




Lii ab tënkle ci
melow Umra
ak i àtteem.

Wollof

ولوف



Lii ab tēnk la ci melow Umra ak i àtteem.

Mbooleem xeeti cant yi ñeel na Yàlla miy Boroom mbindeef yi, jàmm ak mucc yal na nekk ci sunu Yonnente bi Muhammat, ak ay ñoñam ak sahaabaam yépp.

Ginnaaw loolu:

Lii ab bataaxal bu ñu tēnk la ci melow Umra ak i àtteem ak i tegginam, xér nanu ci lool ci leeral li ëpp ci li ñu aajowoo ci Umra.

Yàlla rekk lanuy ñaan mu def ko muy lu sell ñeel jëmmam ju Tedd ji, ak mu jariñ ci mbooleem jullit ñi.



**Al-Lajnatu Al-Hilmiyyatu Bi Jamhiyati
Al-Muhtawaa Al-Islaamii Bil-Luxaati.**



Laltaay:Bi ci njëkk: sàrt yiy tax ñu nangu ag jaamu Yàlla

Ag Jaamu Yàlla deesu ko nangu fa Yàlla lu dul ci ñaari sàrt:

Sellal,

te mooy mu jublu ca jëmmei Yàlla ak kër gu mujj ga, Yàlla mu kawe mi nee na:

﴿وَمَا أَمْرًا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ﴾,

"digaluñu leen lu dul ñu jaamu Yàlla di aji-sellal diine ji ñeel ko ",¹

[Al-Bayyinatu: 5].

Yonnente bi yal na ko Yàlla dolli xéewal ak mucc wax ne:

﴿إِنَّمَا الْأَعْمَالُ بِالنِّيَّاتِ، وَإِنَّمَا لِكُلِّ امْرِئٍ مَا نَوَى﴾.

"jëf yi moo ngi aju ci yéene yi, te ñeel na ku nekk la mu yéene"²

Topp Yonnente bi ci wax ak jëf,

Yonnente bi yal na ko Yàlla dolli xéewal ak mucc nee na:

﴿مَنْ أَخَذَ فِي أَمْرِنَا هَذَا مَا لَيْسَ فِيهِ فَهُوَ رَدٌّ﴾

"képp ku sos ci sunu mbir mii lu ci boddul dees ka koy delloo"³

Nekk na ci geneen nettali gu Muslim (1718):

﴿مَنْ عَمِلَ عَمَلًا لَيْسَ عَلَيْهِ أَمْرُنَا فَهُوَ رَدٌّ﴾.

"Képp ku jëf dara ci diine ji te amu ci sunu ndigal dees ka koy delloo".⁴




1- Maanaam: dëgmël ko ak jaamu ko, te dummóoyu lu dul moom, Tafsiiiru As-Sahdii (xëtu 538)

2- Al-Buxaarii moo ko soloo, ci limatu (1), ak Muslim, ci limatu (1907).

3- Al-Buxaarii soloo na ko, ci limatu(2697), ak Muslim, ci limatu(1718)

4- Muslim soloo na ko ci limatu (1718).



Ñaareel bi: àtteb jàng melow Umra ak i àtteem

Jaadu na ci ku namm a jaamu Yàlla mu kawe mi ci genn jaamu mu xamlu la cay njubug Yonnente bi yal na ko Yàlla dolli xéewal ak mucc; ngir jëfam dëppoo ak sunna, Yonnente bi yal na ko Yàlla dolli xéewal ak mucc daan na ñaax nit ñi ci topp ko ak tegu ci njubam gi; jële nañu ci Maalik ibn Al-Huwayris yal na ko Yàlla dollee gërëm mu wax ne: Yonnente Yàlla bi yal na ko Yàlla dolli xéewal ak mucc nee na:

«صَلُّوا كَمَا رَأَيْتُمُونِي أُصَلِّي»

"julleeleen kem ni ngeen may gise may jullee" ⁵

Jële nañu ci Jaabir yal na ko Yàlla dollee gërëm mu wax ne:

«رَأَيْتُ النَّبِيَّ صَلَّى اللَّهُ عَلَيْهِ وَسَلَّمَ يَرْمِي عَلَى رَأْسِهِ يَوْمَ التَّحْرِ وَيَقُولُ: لِنَأْخُذُوا مَنَاسِكَكُمْ، فَإِنِّي لَا أَدْرِي لَعَلِّي لَا أَحُجُّ بَعْدَ حَجَّتِي هَذِهِ»

"gis naa Yonnente bi yal na ko Yàlla dolli xéewal ak mucc muy sànni fekk moo nga ca kaw waruwaayam ci bisub tabaski, mu wax naan: jëlleen seen i jaamu; ndax man xamuma ndax dinaa ajaat ginnaaw sama aj gii" ⁶

5- Al-Buxaarii soloo na ko ci limatu (6008).

6- Muslim soloo na ko ci limatu (1297).



Ñaareel bi: ngëneelu Umra

Umra amna ñaari ngëneel:
gu matale, ag gu ñu jagleel.

Gu matale gi:

■ Jële nañu ci Abuu Hurayrata yal na ko Yàlla dollee gërëm mu wax ne: Yonnente Yàlla bi yal na ko Yàlla dolli xéewal ak mucc nee na:

«الْعُمْرَةُ إِلَى الْعُمْرَةِ كَفَّارَةٌ لِمَا بَيْنَهُمَا، وَالْحَجُّ الْمَبْرُورُ لَيْسَ لَهُ جَزَاءٌ إِلَّا الْجَنَّةُ»

(Umra ba geneen Umra ga day kaffaara li nekk seen diggante, te aj gu baax dara du fayam lu dul àjjana)⁷

■ Jële nañu ci Abdallah Ibn Mashuud yal na ko Yàlla dollee gërëm mu wax ne: Yonnente Yàlla bi yal na ko Yàlla dolli xéewal ak mucc nee na:

«تَابِعُوا بَيْنَ الْحَجِّ وَالْعُمْرَةِ، فَإِنَّهُمَا يَنْفِيَانِ الْفَقْرَ وَالذُّنُوبَ كَمَا يَنْفِي الْكَبِيرُ حَبَثَ الْحَدِيدِ وَالذَّهَبَ وَالْفِضَّةَ، وَلَيْسَ لِلْحَجِّ الْمَبْرُورِ ثَوَابٌ إِلَّا الْجَنَّةُ».

(toftaleleen diggante Aj ak Umra; ndaxte ñoom ñaar dañuy dàq ñàkk ak bàkkaar yi kem ni sawara di dàqe li bon ci weñ ak wurus ak xalis te genn fay ñeelul Aj gu baax lu dul àjjana)^{8,9}

Gi ñu jagleel ci weeru koor la: jële nañu ci Ibn Abbaas yal na leen Yàlla dollee gërëm mu jële ci Yonnente bi yal na ko Yàlla dolli xéewal ak mucc mu wax ne:

«عُمْرَةٌ فِي رَمَضَانَ تَقْضِي حَجَّةً مَعِيَ»

"Umra ci weeru koor day tolloo ak Aj gu ñu ànd ak man"¹⁰

7- Al-Buxaarii moo ko soloo, ci limatu (1773), ak Muslim, ci limatu (1349).

8- At-Tirmisii soloo na ko, ci limatu (810), ak An-Nasaa ii, ci limatu, (2631).

9- Bérabu sawaraw tegg bi ak cuubkat bi. At-Tamhiid bu Ibn Abdul Barri (15/102)

10- Maanaam: day tolloo ak ànd ak man Aj, kem ni mu ñëwe ci geneen nettali.



Melow Umra





Bi ci njëkk: àttey Miixaat yi.

Miixaat yi: mooy barab yi Yonnente bi tann ngir ku namm a Aj walla Umra di fa armale.

Ku romb benn ci yooyu te yéenee Aj walla Umra: dar war ci moom mu armale fa, te du dagan ci moom mu romb ko te armalul.

Ku gën a jege Màkka ci Miixaat yii: kon Miixaatam mooy bérab ba mu nekk; mu armale fa ngir Aj ak Umra.

Bu dee waa Màkka nag ak ku fa namm a armale: dañuy armal ca Màkka ngir Aj, bu dee Umra nag: dañuy génna ba ca armalukaay ba ñi armale fa, niki Tanhiim ak yi ko niru.



Ku nekk ci Abiyonj: day armal bu tolloo ak Miixaat bi, mu waajal daal di sol yérey armalam laata muy tolloo ak Miixaat bi, bu tolloo ak moom mu yéenee armal fa saasa, du dagan ci moom mu koy yeexe ba wàcc ca Aйдapoor ba, man naa fagaru it labbaykawu laata muy tolloo ak Miixaat bi ngir ragal barabu labbaykawu ba di ko raw; ngir gaawaayu Abiyonj bi.



Ñaareel bi: melow armal ak i àtteem:

Yoonal nañu ci ki namm a armal yii di ñëw:

Sangu, moom sunna su feddaliku la ci àqi góor ak jigéen ba ci ki gis mbaax ak ki nekk ci dereetu wësin.

Laal gëtt ci li gën a neex ci lu mu am ci diwu Huud walla leneen mu def ko ci boppam ak sikkimam, te desug loolu ginnaaw armal gi du wàññi dara. Bu dee jigéen nag du dagan ci moom muy laal gëtt gu am xet; ndax góori jàmbur ñi bañ ko a xeeñtu.



Sol yérey armal, moom nag koddाय la ak làmbaay, la cay sunna mooy mu nekk ñaar yu weex te set walla yu bees. Jigéen day armal ci yére yu ko soob ci lu dul muy wane ab taar, waaye nag day moytu a sol Niqaab (muur kanam) ak ñaari kawas, te mu muur kanamam ak ñaari loxoom ci li dul loolu.



Armal ginaaw ag julli lu ñu yoonal la, moo xam farata la
walla naafila, loolu nag du lu war.

Mu wax: (labbayka Allaahuma Umratan), bu dee kuy
umraal keneen kon na wax: (labbayka Allaahuma
Umratan han fulaan (mu tudd turu kooka)).

Bu dee ki namm a armal dafa ragal gállankoor gu koy
gállankoor wolif muy mottali jaamu gi kon dana jaadu
ci moom mu sartal ca armal ga daal di wax: (labbayka
Allaahuma Umratan, waaye bu ma dara téyee samag
yewwiku mooy fa mu ma téye) saa bu sàrtalee mu am
lu ko tere a mottali jaamu gi kon day summeeku te dara
du ko ca war.

Topp mu baril di labbaykawu: (labbayka Allaahuma
labbayka, labbayka laa sariika laka labbayka, innal hamda
wannihmata laka walmulku laa sariika laka), góor gi day
yëkkëti kàddoom ci loolu, niki noonu it jigéen ji; fii ak
nekkul ci teewaayu góori jàmbur. Jaadu na ci ki armal muy
baril di labbaykawu rawati na bu aw melekaanam soppiku
a walla jamono ya lu ci mel ni mu yéeg fu kawee, walla mu
wàcc fu suufe, walla guddi gi dégmal walla bëccëg gi.¹¹

11- Maanaam li nit kiy wax: (labbayka) mooy wuyu naa la yaw sama Boroom, ay
yooni yoon, te maanaam mooy: nit ki wuyu Boroomam ak taxawam ci topp ko.
"Innal hamda wannihmata laka walmulka" Alhamdu: melo wu ñu sant la ci ag
mat ànd ak bëgg ak màggal, bu baamtoo day mujj nekk aw tagg. (Wannihmata)
mooy li Yàlla di baaxe jaamam ñi ci ñu am la ñuy sàkku ak jañ la ñu sib, li mu wax:
(walmulka) maanaam ag nguur yaw la ñeel, Yàlla mu Baarkeel mi te kawee mooy
Aji-Moom ji Moom kepp, waxam ji: (laa sariika laka) maanaam amul kenn kuy
bokk ak yaw li nga jagoo ci ay meloy mat, bokk na ca ag wéetam ci nguur gi ak
bind gi, ak doxal gi ak Yàlla gi mu doon. Majmuuhu Fataawaa wa Rasaa-il bu
Seex Al-Husaymiin (22/96) ci ag tēnk.



Labbayka gi ñi yoonal ci Umra day dale ca armal ga
ba baa muy tàmbali wër ga.

War na ci ki armal mu moytu a tàbbi ci dara ci yi ñu
tere ci armal ba baa muy summeeku ca armal ga.

Ñatteel bi: melow wër Kaaba gi

Aji-armal ji bu duggee ca Jàkka ja ñu Wormaal
dees na sunnaal ci moom mu jiital tàngu ndayjooram
daal di wax ñaanu dugg ci jàkka, bokk ci li gën a
wër ci li rot ci loolu, mu wax : "Allaahuma iftah lii
abwaaba rahmatika", ñaan gii da koy wax buy
dugg ci jàkka ju mu man a doon, waaye du lu ñu
jagleel Jàkkay Màkka rekk.

Bu béggee tàmbali wër kaaba gi day dagg
labbayka ga, daal di def Ittibaah, melow Ittibaah
mooy: mu def li féeté digg ci làbbaayam gi ca biir
poqtaanu ndayjooram, def ñaari cat yi ci kaw
mbaggum càmmooñam, bu noppee ca wër ga mu
daal di delloowaat làmbaay ga ca na mu meloon
laata muy wër kaaba gi; ndaxte Ittibaah barabam
mooy buy wër kaaba gi dong.



Topp mu dem ca
Hajarul Aswad daal
di laal doj wi ci loxo
ndayjooram daal di
koy foon, foon gi bu
jàppandiwul mu laal
ko ci loxoom daal di
foon loxoom bi, bu
dee laal ko ci loxoom
yombul, mu laale ko
ab bant walla lu ko
niru daal di koy foon,
bu loolu yombul day
jublu doj wi daal di
koy junj ci loxoom te
du ko foon, li gën
mooy mu bañ a
buuxante di lor nit
ñi, mbaa muy loru
moom.

Buy laal doj wi
walla mu koy junj
day wax: (Allaahu
Akbar).



Topp mu feete ndayjoor te def wetug
càmmooñam la feete ag kaaba gi, bu tollee ca
Ruknul yamaaniy mu laal ko ci lu dul mu koy
fóon, bu loolu yombul bu mu ca buuxante, te
it bu mu ko junj.

Mu wax ci diggante Ruknul yamaaniy ak
Hajarul Aswad: (Rabbanaa aatinaa fiddunyaa
hasanatan wa fil aaxirati hasanatan wa qinaa
hasaaban naari).

Saa su rombee Hajarul Aswad da koy junj ci
loxoom daal di wax: (Allaahu Akbar).

Li des ci wër gi da ciy wax lu mu bëgg ci
sikar ak ñaan ak jàng Alxuraan.

Lay sunna mooy mu ñukk ci ñatti yoon yu
njëkk yi dong, ñukk mooy: gaawal dox bi
ànd ak jegeele jéego yi, bu dee ñenti yoon
yi des nag amul ñukk, waaye day dox kem
ni mu ko aadawoo.



Bu matalee wër ga day dem ca
Màqaamu Ibraahiima daal di jàng:

«...وَاتَّخِذُوا مِنْ مَّقَامِ إِبْرَاهِيمَ مُصَلًّى...»

(wattaxisuu min Maxaami Ibraahiima
musàllan), [Al-Baxara: 125]

Topp mu julli ñaari ràkka ca ginnaawam bu
dee jàppandi na, lu ko moy mu julli leen ci
barab bu mu man a doon ci jàkka ji, day
jàng ci ràkka bu njëkk bi ginnaaw Faatiha:

﴿قُلْ يَٰ أَيُّهَا الْكَافِرُونَ﴾

(xul yaaa ayyuhal kaafiruuna) [Al-Kaafiruuna: 1]

Mu jàng ci ràkka bu ñaareel bi
ginnaaw Faatiha:

﴿قُلْ هُوَ اللَّهُ أَحَدٌ﴾

(xul huwa Allaahu Ahadun). [Al-Ixlaas: 1]

Ñenteel bi: melow dox Safaa ak Marwa

Bu noppee ci wër gi ak ñaari ràkka yi day génn jëm ci dox
Safaa ak Marwa, bu jegee Safaa daal di jàng:


﴿إِنَّ الصَّفَا وَالْمَرْوَةَ مِنْ شَعَائِرِ اللَّهِ...﴾

(innas Safaa wal Marwata min sahaa-iri Allaahi) [Al-Baxara: 158].

Topp mu wax: "damay tàmbaliee ci li Yàlla tàmbalee".

«أَبْدَأُ بِمَا بَدَأَ اللَّهُ بِهِ»

«damay tàmbalee ci li Yàlla tàmbalee»¹² .





Topp mu yéeg ca kaw Safaa bay gis Kaaba gi walla wetam ga mu jublu ko, daal di kennal Yàlla, màggal ko, daal di wax: (laa-i-Laaha illal-Laahu Wahdahu laa sariika Lahu, Lahul mulku wa Lahul hamdu wa Huwa halaa Kulli say-in Xadiirun, laa-i-Laaha illal-Laahu Wahdahu, Anjasa Wâhdahu, wa Nasara Habdahu, wa Hasamal ahsaaba Wahdahu" da koy baamtu ñatti yoon, muy ñaan ci diggante loolu.

«لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ، وَهُوَ عَلَى كُلِّ شَيْءٍ قَدِيرٌ، لَا إِلَهَ إِلَّا اللَّهُ وَحْدَهُ، أَنْجَزَ وَعَدَهُ، وَنَصَرَ عَبْدَهُ، وَهَزَمَ الْأَحْزَابَ وَحْدَهُ ، ثُمَّ دَعَا بَيْنَ ذَلِكَ ، قَالَ مِثْلَ هَذَا ثَلَاثَ مَرَّاتٍ.

"amul kenn ku ñu war a jaamu ku dul Yàlla moom dong amul bokkaale, moom la nguur ak cant ñeel, te moom lépp la man, amul kenn ku ñu war a jaamu ku dul Yàlla moom dond, def na la mu dige woon, te dimbali na jaamam bi, te not na mbooloo ma moom dong", topp mu daaldi ñaan ginnaaw loolu. Mu wax li mel nii ñatti yoon.

Topp mu wàcc ca Marwa jëm ca Safaa di aji-dox, bu tollee ca màndarga mu wert ma mu dox dox gu tar, bu tollee ca meneen màndarga mu wert ma mu dox kem aadaam, dox gu tar gi nah yoonaluñu ko ci jigéen ñi.

Bu eggee ca Marwa yoonalees na ci moom mu def la mu defoon ca Safaa (xaaju limatu 2).

Topp mu wàcc ca Marwa jëm Safaa di aji-dox, bu tollee ca màndarga mu wert ma mu dox dox bu tar, bu tollee ca màndarga mu wert nu ñaareel ma mu dox kem aadaam.



Niki noonu ba mu matal juróom-ñaari yoon yi, dem gi bawoo Safaa jëm Marwa benn yoon la, delluseem gi it jóge Marwa jëm Safaa beneen yoon la.

Day wax ca ba muy dox lu mu bëgg ci sikar ak ñaan ak jàng Alxuraan.

Juróomeel bi: melow watu ak wàññi:

Aji-Umra ji bu noppee ca wër ga ak dox ga war na ci moom mu wat boppam walla mu wàññi ko bu dee góor la, lay sunna mooy watu gi walla wàññi gi matale mbooleem bopp bi.

Watu nag moo gën, lu dul waxtuw Aj wi jege ba saxug kawaru bopp bi du ci xaj; kon lay gën mooy mu yem ci wàññi.

Bu dee jigéen nag moom day wàññi ci cati kawaram luy tolloo ak catu baaraam.



Yi ñuy moytandiku ci armal

Yi ñuy moytandiku ci armal mooy:

Wat kawar walla jemp ko walla suqi ko, ci barab bu mu man a doon ci yaram wi.

Lelli ay we lépp walla lenn li ci tànk yi walla ci loxo yi .

Muur bopp ci luy taqaloo ak moom, lu mel ni: mbaxana, ak kaala, ak teg làmbaay ci kaw bopp bi, walla teg musuwaar, walla sarbet, walla Kayit, walla lu dul loolu ci yi ñuy jubloo muure. Lii nag góor ñi ñoo ko jagoo walif jigéen ñi.



Sol yere ya ñu aadawoo muy bu ñu ñaw buy tàqale
cëri nit ki ca meloom wa ñu ko xame, niki mbubbu
abbaaya, ak pantaloon, ak Semis, ak ñaari kawas, ak
ñaari kawasi loxo. Lii nag góor moo ko jagoo walif
jigéen, ndaxte moom dañu koo tere:

Sol niqaab, walla burqa, walla muuraay gu niroo
ak niqaab, te dana war ci moom mu muur
kanamam ci kanamu góori jambur ci muuraayu
kanam gi ñu aadawoo. Donte muuraay gi dafa
laal kanamam, te yoonaluñu ci moom mu teg
kaala -walla lu mel noonu- ci boppam ngir ne
muuraay gi laalul kanamam; Ndax amul lenn luy
firndeel ne yoonal nañu loolu.

Sol ñaari kawas ci ay loxoom, te dana war ci moom
mu muur ay loxoom ci góori jàmbar yi ci mu dugal
ko ci biir Abaayaam.

Laal gëtt ci yaram wi, walla ci yérey armal yi.

Ray rëbbum jéeri, walla rëbb ko donte rayu ko.

Labat, ngir boppam walla keneen.

Takk ab sëy.

Jonjoo ci fu dul péy ma; niki foon, ak laal ngir
bànnex.

Jaxasoo, te mooy sëy ci péy mi.



Tënkub jëfi Umra yi (ci fegg wi lay nekk walla ci xët wi mujj)

Sangu set.

Laal gët (parfum).

Sol yérey armal.

Armal, te mooy yéeney dugg ci jaamu gi.

Di wax Labbayka...

wër néeg ba(Kaaba gi).

Julli ñaari ràkka ci ginnaaw Maqaam bi.

Dox diggante Safaa ak Marwa.

Watu walla wàññi.

Yàlla rekk a xam yal na Yàlla dolli xéewal ak mucc sunu Yonente ba Muhammat.





xetouk tenk

Lii ab tēnk la ci melow Umra ak i àtteem.	1
Lii ab tēnk la ci melow Umra ak i àtteem.	2
Laaltaay : Bi ci njëkk: sàrt yiy tax ñu nangu ag jaamu Yàlla	3
Ñaareel bi: àtteb jàng melow Umra ak i àtteem	4
Ñaareel bi: ngëneelu Umra	5
Melow Umra	6
Bi ci njëkk: àttey Miixaat yi.	7
Ñaareel bi: melow armal ak i àtteem:	9
Ñatteel bi: melow wër Kaaba gi	11
Ñenteel bi: melow dox Safaa ak Marwa	14
Juróomeel bi: melow watu ak wàññi:	16
Yi ñuy moytandiku ci armal	17
Tēnkub jëfi Umra yi (ci fegg wi lay nekk walla ci xët wi mujj)	19

HADIYAH
HAJI & MU'TAMR'S GIFT



هدية
هدية الحاج والمتممر



www.hadiyah.org.sa